



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

3. Permitte[n]te ob justas caussas Deo, malum sæpe dæmonem esse fulminum fabricatorem, etiam in ipsa templa cadentium.

urn:nbn:de:hbz:466:1-45686

giam usque deduxerunt, faustis acclamationibus profecuti. Ad hunc modum Sancti solem, lunam, cæterosque minores ignes, & flammam omnium officinarum aspiciunt; inde enim amore sacro inflammati, DEO acclamant: *Laudate eum sol, & luna, laudate eum omnes stelle, & lumen. Laudate Dominum de terra ignis, grando & c;* itemque: *Benedicite ignis & astus Domino.* Enimvero etiam: *Benedicite fulgura, & nubes Domino.* Quisquis enim sapit, sic ignescit, caletque amore, non furore Numinis; cum sciat, sapientissimo artificio pariter, & pro hominum bono, mundi Machinatorem ista condidisse, atque in sua manu habere, tanquam iustitiæ & misericordiæ instrumenta. Quod probè agnouit inuictæ virtutis Heros Iob, cum nuncius veniret, ac diceret: *Ignis Dei cecidit de caelo, & tactas oves puerosque consumpsit.* Sciuit enim clarissimè, DEVM nunquam, sine iusta causa, fulmina de cælo iaculari; etsi tum fortasse iam non sciret, quænam illa iusta fulminandi causa fuerit. Fuit autè profectò iustissima tum causa. Nam dum sathan ouium greges percussit, toti mundo offendit, Iobum ouibus ipsis esse patientiorem. Quid, non modò gloriosius, sed etiam, vtilius fuit Iobo, oves seruare, an patientiæ laudem & mercedem adipisci? cuius ut virtus per omnes numeros agnosceretur, DEVS eam velut scopum, de cælo, perendi (quasi inde origo plagæ esset) dæmoni id sollicitè flagitanti concessit; quamvis id alio sine dæmon flagitaret. Est enim harum rerum promus magis, quam condus Alastor, qui eiusmodi expeditionem in Iobum, ex inuidia, instruxit, malus utiq; de thesauro suo, proferens mala: è quibus optimum Numen bona facit, etiam tum, quando per illum, tanquam per carnificem suum, in impios fulminat.

In Teutonia, circa annum Domini M. CC. L. VI. inquit magnus Alberti Magni discipulus, & D. Thomæ Aquinatis condiscipulus, *tantos ventorum, conuulsionum, tonitruorum, & grandinum fragores inualescere vidimus, ut homines per ciuitates, quasi amentes incederent; & imminere diem iudicij formidarent.* Circa Treuirim, vineas demolitas penitus, siluas & arbores antiquissimas funditus euersas inspeximus, & excelsorum adificiorum fastigia corruisse. Fuerunt autem, qui dicerent; *dæmones se vidisse; & eos, quasi bestias, diuisos per aëre; sibi inuicem ex ventis contrarijs occurrisse.* Itaque non ele-

C

mentis

Psal. 148. 3.

Daniel. 3. 66.

Iob. 1. 16.

III.
Thom. Cantiprat. lib. 2.
apum. c. 57.
§. 2.

mentis duntaxat ex ingenio atque natura agentibus, sed etiam ca-
 codæmonibus ipsis, furore atque odio, incitatis frænum subinde,
 vel in exercitium, vel in supplicium nostrum, laxat vniuersi Re-
 stor: vnde magni persæpe motus damnaq; ingentia bonorum tem-
 poralium existunt, vt bona spiritualia eorum vice subeant. Nam
 discunt inde mortales metuere, atque exorare omnipotentem, &
 aliorum interitu moniti semper in-procinctu stare. Ita Volsinium
 Tuscorum oppidum opulentissimum, fulmine incensum, omne
 concrematum est. Ita, teste Baronio, Anno 857. Colonia: 17. Cal.
 Octobr. terribili coorta tempestate, subito fulmen informe, igne,
 draconis instar, Basilicam S. Petri hominibus confertissimam,
 scidit, penetrauit, atque ex omni illa multitudine tres homines, di-
 uersis quidem locis, vno tamen ictu, in mortem dejecit; alios au-
 tem sex, eodem impetu, ita prostrauit, vt semiuui auferrentur; cæ-
 teros verò, quos non tetigit igne, percudit timore, docuitq; rebus
 diuinis incontaminatos adesse. Itaq; non impia Ethnicorum dun-
 taxat fana, sed religiosissima etiam Christianorum templa sunt,
 de cælo verberata. *Cur enim Dominus vniuersorum non posset sa-
 thanae permittere in templa, ad terrorem eorum, qui templis abu-
 tuntur, quod concessit illi, in Iob seruum suum, qui & ipse templum
 Dei fuit?* De Romano illo Tullius cecinit:

s. Cor. 6, 16.

*Iuppiter omnipotens stellanti nixus Olympo
 Ipse suas arces, atque incluta templa potuit,
 Et Capitolinis iniecit sedibus ignem.*

Cæsar. lib. 10.
 cap. 78.

Quod mirum non erat, dignum etenim igne fuit fanum, tot sacri-
 legijs impiatum. Magis mirum id de nostris. Nam & de ailo Chri-
 stiano templo, alius Author memorat: *In vigilia S. Mathie Apostoli,*
 Colonia: ignem è nubibus excussum, in turrim S. Andreae incidisse,
 eamque incendisse, illà ipsà nocte, quâ, præ frigore, aquis glacies
 est inducta, vt tantò mirabilius esset, si, vice niuis, fulmina ceci-
 dissent.

IV.

At ostendit ea in re dominium suum Deus, & potentiæ maie-
 statem. Si enim Poëtæ Ioui suo maiorem se conciliare authorita-
 tem non putauerunt, quàm si eius pingerent *armatam trifido ful-
 mine dexteram*, ipsùmque rubente manu sacras arces jaculantem;
 cur non potius verum Numen, eodem telo, terribile præuaricato-
 ribus